

كمَّـلْ جَمِيلَكَ؟



كمَّـلْ جَمِيلَكَ !!
وقلَّـلْ تَطْبِيلَكَ !!
وكفاية سجونك ؛
وكفاية تقتيلك !!
ولو ؛ ع المجازر
يبقى الغي توكيلك !!

إمنع لظلمك ؛
حقَّـقْ لعدلك ؛
وإمنع لبطشك ؛
واهدم معتقلك !!
ولو هتخلص
دائماً لشعبك ؛
هتلاقي ربك ؛
بينور قناديلك !!

و إوعى غرورك ؛

ما يوم يزورك ؛

وتصدق انه

ما فيش مثيلك ؛؛

انسى استعباطك ؛

واحذر تهبيلك ؛؛

لو حتى تركب

ولأعلى خيلك ؛؛

واوعى بغباءك ؛

تركب دماغك ؛

وبمكر غدرك ؛

تلعب بديلك ؛؛

ساعتها هتبقى

واللّاه وكيملك ؛؛

ضيعت طريقك ؛

وضليت سبيلك ؛؛

وارفد حكومتك ؛

وانشر عدالتك ؛

واخلع عصابتك ؛

واعزل دلاديلك ؛؛

واحذر لمنافقينك ؛

دول عايزين تضليلك ؛؛

و بكُتر الرشاوي

راح يحتار دليلك ؛؛

اخلع لمخلوعك ؛

واعزل لمعزولك ؛

ومهما قالوا لك ؛

إن ما فيش بديلك ؛
وعن جرايم وزارتك ؛
وعن بطشك وقمعك ؛
ولا عايزين أذارك ؛
ولا ناقصين تعليلك ؛

واعمل بأصلك ؛
من قبل فصلك ؛
وهتظلم شعبك ؛
بالثورة هيشيلك ؛
شوف اللي قبلك ؛
علشان يدلّـك ؛
وبرضو اللي جالهم
ممکن يجيلك ؛